

تاریخ

نور الدین ابن الشہید

بویوک ساجوق سلطانلری، طوغرول، آلب ارسلان و ملکشاہ، دارالاسلام، ک
قسم اعظمی، بر تورک پادشاہانی ادارہ سی آلتہ طوبیہ بیلمشلردی . بشجی
عصر ہجری صوکلرینہ طوغری ملکشاہ اولہرک، اسلام مملکتی بر داہا پارچہ
لاندى، بر قاج بویوجک دولت ایلہ بر جوق کوچوک دولتر پیدا اولدی . بونلرک
اکثرینک باشندہ تورک بکلری بولئیوردی . غربدہ جرمن قوتلرینہ استاد
روما ایمپراطورلغنک احیاسنہ قالقیشان بویوک قارل دن سوکرہ بر خرستیان -
جرمن فنودالیتہ سی تشکل ایستدیکی کبی، شرقدہ تورک قوتلرینہ طایانہ رق خلقای
راشدین زماننک وحدتی اعادہ یہ اوغراشان بویوک طوغرول و وارنلرندن
سوکرہ بر مسلمان - تورک فنودالیتہ سی تگون ایلہ مشدی .

سلطان جلال الدین ملکشاہ ، باباسی آلب ارسلان زمانندن اعتباراً سلطنت
ساجوقیہ یہ عظیم خدمتلری طوقونش اولان امکدار وزیرى نظام الملک باباسی
مقامندہ کورد بکنی اشراپ ایدرک آنا بک عنواتی ویرمشدی . بویوکک عنوان،
ساجوقیلردہ واونلری تقلیداً دیگر بعض تورک حکمدار سلالہ لرنده بعض
وزیرلرہ، علی الخصوص صغیرالسن حکمدارلرہ وصایت طریقہ زمام ادارہ یی
الارندہ طوتان وزیرلرہ ویرلیر اولمشدی . آتا بکلردن بعضلری تخت وصایتلرنده
بولونان چوجقلرک یرینہ کچہرک حاکمیت مملکتی کندیلرینہ وٹائلہ لرینہ تخصیص
ایلہ مشلردر؛ بو صورتلہ ممالک اسلامیہ دہ بر قاج دولت آتابکی وجودہ کلشدر .
آتا بک حکومتلرندن بریسی عماد الدین زنکی بن آق سونغور آدی بر نورکک
آلتنجی عصر ہجری ابتدلارندہ عراق و سوریه طرفلرنده تأسیس ایستدیکی عراق
آتابکلری دولتیدر .

نصرانی اوروپا ایلہ مسلمان شرقک قرون وسطادہ مصادمہ مسلحہ سی

اولان اهل صلیب محاربانی، ممالک اسلامیة ده مسلمان خلافتی وتورک سلطنتی وحدتتری یرینه مسلمان - تورک فتودالیتہ سی قائم اولدقدن سوکره ، وقوعه کلشدی. آتابک زنگی بن آق سونغور، خرسیان شوالیه لرینه قارشى اسلام دنیاسی مدافعه ایدن مسلمان امیرلری اده سنده خیلی یارارلق کوسترلردن بری اولمشدی. فقط زنگی نك تاریخده براقدینی شهرت ، محاربه لردن، ظفرلردن زیاده عدل وحقانیتی، مملکتی اعمار، تبعه سی ترفیه موفیقی یوزندندر. بر آلمان مورخی زنگی دورنده آق سونغوریه دولتی محاکمک درجه عدالتنه مثال اولق اوزره، زنگینک امرای عسکریه سی عاینه بیله یهودیلوک حتی احقاق ایدیش اولدیغی بر ادای حیرت وتحسین ایله ذکر ایدیور. عمادالدین زنگی موصلک حکمداری اولدیغی زمان، موصل جامع کیرینک اطرافی خرابه زار اولوب، کوبه کوندوز سلاحسنز ومحافظسز جامعہ کیمک تهلکینی داعی ایکن، مشارالیهک وفاتنه یاقین حکمران اولدینی ممالکک همان هیچ برطرفنده خرابه قلاماش وشهرلر اده سنده اوزانان سورکلی کاروان یوللرنده بیله قطاع طریق تهلکہ سی زائل اولمشدی. آتابک زنگی ۵۴۱ سنه سی (۱۱۴۶ م) فرات نهری اوستده کائن قلعه الجعبری محاصره ایدرکن، شهیداً ارتحال ایله مشدر.

زنگی الشہیدک ایکی اوغلی، سیف الدین ونور الدین، آق سونغوریه مملکتی آرلرندہ غوغا وتزاعسز قارداشچہ پابلاشہ رق، برنجیسی موصلده، ایکنجیسی حلبده حکمدار اولدیلر. بویله جه آق سونغوریه دولتی ایکی قوله آیریلارق موصل آتابک دولتی ایله حلب وشام آتابک دولتی تحدرت ایتمش اولدی.

حلب وشام آتابکی اولان نورالدین محمود بن زنگی الشہید، مسلمان تورک حکمدارلری اده سنده الک سویملی، الک امیل، الک یوکسک برسیادر. نورالدین ابن الشہیدک نورلی بوزی، یالکیز تورک، یالکیز اسلام تاریخلرنده دکل، تاریخ صومیده بیله الک آلمی حکمدارلرک برنجیلرندن بری اوله رق یارلار. بفرنک مورخنک دیدیکی کبی سلطان نورالدین ، « قارالماسی غیر ممکن بر صیت پاکی حائردر. » سوریه خلقی نورالدینی مطلق اوله رق « الملک العادل » دییه یات ایدرلردی. وبو لقب، اکثر ملوک ویریلان قوری عنوانلردن اولمایوب محض

حقیقتک افاده سی ایدی. بوکون شامده اک زیاده تعزیز و تقدیس اولونان ایکی
اوج زیارتگاهدن بریسی «نورالدین الشهید»ک تربیه سیدر. خلقک وجدانی «الملک
العادلی»، اسلامک اولیای عظامندن صایبور، باباسیله قاریشدیره رق اوکا مرتبه
شهادتی ده قزاندریور، مادی و معنوی درد واضطرابلرینه اونک روحایتندن
چارملر آرایور و بلکه ده بولیور ... نورالدینک حیاتی سکز یوز ییلدنبری دوام
ایدن بوتعبده جداً لایقدر.

انسان تورک تاریخیه برآز اوغراشدیمی، کوکسی قبارییور، باشی یوکه.
لیور، امیدى آرتیور: دنیاده هیچ برقوم، تورکار قدر جوق و بویوک
قوماندانلر، بویوک حکمدارلر یتشدیرمه مشدر. شرق تاریخک یالکز اسلام
دوره سی آلینوب، قهرمانلری شوپله بر خاطر دن کچیریلسه، در حال کوز
اوکنه محمود غزنویلر، طوغرلار، چاقیرلر، آلپ آرسلانلر، ملکشاہلر،
عثمانلر، اورخانلر، تیمورلر، فاتحلر، سلیملر، بابرلر ... الخ کلیرلر.

تورکک حکمدار انموذجلری یالکز محارب و جهانگیرلره، سیاسی و قاتو.
نیلر ده انحصار ایتمز، حکمدارقله اک آز امتزاج ایدر کبی کورینن تمایلات
روحیه نک اک مکمل نمونه لرینه تصادف اولتور. نورالدین بن زنگی، هر هانکی
برقومک «عادل» و یا «عزیز» یه تلقیب ایتدیکی حکمدارلرک هبسی کولکده
براقان بر انموذج نورانیدر.

نورالدینک حیاتی، انانیتی تماماً ترک ایله شخصى و افعالى علوی و صمدانی
غایه لره وقف ایتمکدن عبارتدر. بویله بر حیات، شبهه یوق که غایت صاف و یو.
کسکدی، و او حیاتی حصر ایتدیکی غایه املر، بشریتک هر زمان و مکانده
تقدیس ایتدیکی حق و دین ایدی. بو ایکی سماوی غایه نک نورالدین کوره بر
یوزنده تحققی ایسه، ممالک اسلامیه نک و علی الخصوص قدس شریف و مسجد
اقصانک استیلا و اسارت صلیبیه دن تخلصی صورتنده تجلی ایدردی.

نورالدین، حقیقه «عادلدی» احقاق حقوقه صوک درجه اوغراشیردی.
وعدالتشمارلنی، بعض حکمدارلرکبی فائده وی ملاحظه لردن، سیاسی حسابلردن
نشأت ایتمیوردی، شهرت عدالتک اطرافه انتشاریله حوزه حکومتک توسعی

دوشونمکدن ماعدا ، عدالتک قوام دولت اولمەسنى بيله نظره آلمیوردی ، او ، مجرد عدالتە مفتوندى ، نورالدينک عادلکى ، صمیمى بر ایماندن متولد طیبى برسجیه ایدی . « الملك العادل » ک پک یوکسک بر مرتبه یی بولش حس عدالتنى اظهار وانبات ایلەین بر چوق وقایع وحکایات ، عرب مورخلى طرفدن نقل اولونمقده در .

نورالدين ، فایت ساده یاشار ، نفسک وعائلەسنىک احتیاجات مادیەسنه قارشى پک ممسک وشدید طاورانیردی . بوتون حیاتنده کنديسى وعائلەسیچون بیت المالدن برپاره آلامشدر . اوینىک حوایج ضروریەسنه خمس چارشيسنده ملک شخصیسى اولان بر قاچ مکانک پک اهمیتسز وارداتى صرف ایدردی . سنوی یکرمی آلتونی تجاوز ایتمەین بووارداتک الک مبرم احتیاجاته بيله کفایت ایتمدیکندن شکایت ایدن زوجهسنه ، الملك العادلک شویله جواب ویردیکنی روایت ایدرلر : « بنم باشقه بر شیم یوق که ... قالانلر هپسنى جماعتکدر ، بن اونلری جماعت نامنه ، جماعت فائدهسنه ادارهیه مأمورم . جماعتک مالته خیانت ایدەم . »

سلطان نورالدين نک منظم حیاتی تأویل وتحریف اولونمامش اساسات اسلامیه ایدی ، قرآنی ، سننى بالذات تدقیق وتتبّع ایدەرك ، حیات شخصیه وعمومیەسنی اوکا کوره ترتیب وتنظیم ایلەردی . دینلە بیلیرکه نور حقیق اسلامک اینی وتمیز بر تورک روحنه انعکاسندن نورالدينک کوز قماشدیران حیيات نورانیسی طوغمشدر . ابهر ایشیر دیورکه : « بن کچمش حکمدارلرک چوغنک حیيات وافعالنى تحقیق وتدقیق ایتمم ، لکن خلفای راشدين وعمر ابن عبدالعزیز دورلرندن برى ، حیاتىک صفوتى وعدالتە مربوطیتیلە نورالدينه معادل ومساوی هیچ بر حکمدار بولامادم . » عرب ائمه مؤرخیندن ابن الاثيرک شهادتیلە نابت اولیورکه آق سونغورك حفیدی ، صفوت اخلاق ، عدل واتقاس جهتیلە الک یوکسک مرتبه یی بولان بنی اسلام تهرمانندن ، چهار یار کزین وعمر ابن عبدالعزیزدن صوکره کلهرك آلتنجى موقعی اشغال ایدیور . منجم باشى « صحائف الاخبار » نده عین ادعایى تکرار ایدر : « خلفای راشدين وعمر

ابن عبدالعزیزدن صکره نورالدین ابن زنگی قدر صاحب عدل وانصاف
وملکی الحصال مابد وزاهد پادشاه کلش دکلدر .

آلمان مستشرقین مورخیندن آوغوست مولدر (Augusto Müller) تاریخ
اسلامده سلطان صلاح الدین یوسف ایوبی ایله سانی ومتبوعی سلطان نورالدین
محمود ابن زنگی مقایسه ایدرکه دیرکه : « کرچه صلاح الدین امور اداره ده کی
مهارتی ، پوئیقه جه درایتی ، فرط تراکت طبعیسی ونهایت ظفر عظیمک
(قدسک استرداد) هاله شرفی ایله تاریخ اسلامده نورالدین دن یوکسک بر
موقع اشغال ایدر وبویوک سالفنک سیاسی کولکده برافیرسده ، نورالدین
آدمانی اعتباریله هیچ شبهه یوق که بویکی بویوک ذاتک اک تمیزیدر : نورالدینک
بوتون افعالی آنجق رضای باری بی تحصیل قصدیله در ، نورالدین یالکز الله
ایچون چالشمش ، کندینی ، شخصنی ، خاندانی اصلا دوشونمه مشدر .
شمس الدین سامی بک ، نورالدین ایله صلاح الدینک روابط و مناسباتی آکلر
تیرکن : « الحاصل صلاح الدین ایوبی به دخی نورالدین محمودک مکتب عدل
ومدنیتمک شا کردی نظریله باقیله بیلیر . « دیور .

بک متقی ، زاهد و مابد اولانلرک اکثرینده مشهود اولان دنیا ایشلرندن
چکنمک ، انسانلری اونوتمق ، انسانلردن قاجمق - که اوده بر نوع
خودپرستی در - الملک العادلده یوقدی ، دائما تبعه سنک ایچنده بولور ، تبعه سنک
وفاء و سعادت ایچون دیدینیر ، بوتون بی بشری کنیش و یومشاق بر محبتله
سوه رک اولنر خدمت ایتیه چالیدیردی . اوینک احتیاجات مبرمه سنوی
یکرمی آتوندن فضله واردات بولامایان بو فقیر حکمدار ، شرفیانه بر تمیز
ایله بوشاه کدا ، هر آی امور خیرییه صرف ایتیمک ایچون طقوز بیک آتوندن
فضله بر مبالغ بولوردی . نورالدین نظریده امور خیرییه یالکز عبادتگاهلر
دکلدی ، مسجد و تکیه لر بنسا ایتدیردیکی کبی یولجیلره کوبریلر ، خانلر ،
خسته و مجروحلر خسته خانلر یاپدیرمشدی . تعلیم دین و شریعت ایچون جسیم
مدرسه لر ، مکمل دارالحدیثلر تأسیس ایله دیکی کبی ، خسته خانلرده چالیشه جق
طیبیلر یتیشدیرمک اوزرده دارالطبلر آچشدی . دمشقده ، الیوم اقتاض

توركلرك فائده سنه چالیشانلردن :



بالقان حربی اثناسنده عثمانلی هلال احمرنده یارایلمه باقق اوزره گلش شماللی تورک خانملردن :
(صاغدن باشلامه رق) مریم باتاش، رقیه یونس (اوطوران)، ام کاشوم کمال. مریم یعقوب خانملر.

«تورک بوردی» نك همیرسی

۸۴ نجی صانی به علاوه

و آناری مشهور بیمارستانه کبیر ، نورالدین طرفدن انشا ایتدیرلش جسیم بر خسته خانه در که عصرینک مشهور طیبیلری اوراده خدمت ایدرلر و دارالطبک طلبه سی عملیات کوریرلردی . و بوتون بو مؤسسات خیریه یه کافی و وافی اوقاف تخصیص ایتشدی . نورالدین ابن الشهد ، شهدا ایتام و اراملنک تأمین معیشتی دوشوندرک ، نظامات لازمه وضع ایتدیکی کبی ، فقرای اهلینک ویرکیسی اکیسیتمش ، فقرای اغنیانک ظلم و تغلبیدن قورتارمه یه جوق چالیشمشر . زمانمز تعمیرلریله افاده ایدیله جک اولورسه ، نورالدین ده موقوفات بر حکمداردی . و صنوف اجتماعیه آره سنده کی موازنه سزلکی تنقیصه خادم بعض قوانین اجتماعیه وضع ایله مشر . بو جهتله آق سونفورک حفیدی ، کرل نکیس کتابه لرنده اجرات اجتماعیه لرینی او قودیفمز ده موقوفات تورک قانلرینی خاطره کتیرر . نورالدینک اعمال خیریه سنه اک قوتلی مؤثر دین اولمقله برابر ، اونک یومشاق و سه ومن تورک روحی ، منبع الهامنک حدودلرینی سرتلکدن قورتارارق یاییش و کیشیتشمشر : او ، اصلا محدود و مظلوم بر متمصب دکل ، مشفق و انسانیتکار بر دینداردر .

سلطان نورالدین محمودک سیاسی افعالنده ، سیاستک لوازمندن صاییلان حیلله و خدعه ، عهد و قاسزاق ، سوزنده طورمامق ، یالان طولان کورینمز . او سیاستده تام تورکدر ، طوس طوغری یورور . تورک امراسنک چوغنده کوریلن خداداد بر استعداد سیاسی یه نورالدین ده صاحبدر . مناسبات سیاسی ده ، یالان طولانه مستند اوافق مهارتلی استحقار ایدر ؛ او ، بویوک خطوه لرله یوکسک هدفه ایلرولر . سلطان نورالدینک نظرنده دارالاسلامه مستولی اولان ، بیت المقدسی ضبط ایدن نصارا حقه تعرض ایتمشلر ، دین حق تحقیر ایله مشلردر . حقک تعالیسی ایچون ، مقامات مبارکه نک قورتاریلماسی لازمدر . نورالدینک غایه سیاسی ، صلیبیرنی قمرس شریفده طرد ایتلک و ممالک اسیریه ده آنمقدر . بوکا ایرمک ایچون ، بر طرفدن قدسک جنوب و جنوب غربیسنده حکمران اولان فاطمیه خلافت ضعیفه سی قالدیروب اورالری کندی قوتلی آینه کبیرمک و بویله جه اهل صلیب مفرزه لرینی شرق و جنوبدن صیقشدیروب دکزه دوکک

ایجاب ایدر ، دیگر طرفدن بوتون ممالک اسلامیہ نك قوای مادیه و معنویه سی ، اهل صلیب ایله حرب غایه املنه توجیه و تمرکز ایتدیره دك بو حربی غایت یوکسك برمساله معنویه حاله کتیرمك اقتضا ایله . غایه اصلی به وصول ایچون تعیین ایتدیکی بو ایکی اساسلی واسطه نك مراپکینک تحصیلنه موفق اولمشدر . آنجق اصل غایه به ایرمك ، بیت المقدسی حاکمیت نصاردن قورتارمق شرقی ، عمری وفا ایتدیکندن دولای ، بختیارخانی صلاح الدین ایوبی به نصیب اوله جقدر . لکن سوریه نك ، فلسطینک ، مقامات مقدسه نك استرداد ی پلاتی حاضر لاق واو بلانک قسم اعظمی تطایقه موفق اولمق شرفی ، سلطان نورالدین بن زنکی بن آق سونغوردن دنیاده هیچ برکیمه رفع و غصب ایده مز... و بو موقیت ، برمسلمان-تورک امیرینک عالم اسلامه سیاسی و تاریخی ایتدیکی بک بویوک برخدمتدر . نورالدین ، کرک ولایت درجه سنه چیقاریلان سفوت و تراحت اخلاقیه سیله و بوندن متولد نفوذ شخصیه سیله ، کرکه تداییر جدیه سیاسیه سیله ، اهل صلیب علیه صربی برمساله دینی ، برمساله اتموقیه و معنویه درجه رفیع اصفاد ایدره یلدری . صلیبیون ایله حرب عالم اسلامک مهم برقسمنده ، برزمان برغایه خیال ، بر ایدره آل حانی آلدی ، مسلمانلرک هیجان دینی علوی بر مرتبه به ایردی . واقعا ، اولجده برقاچ دفعه مسلمانلر ایچنده هیجان دینی تولیدینه جالیشلش ایدیه ده ، سوریه امراسنک صرف منافع شخصیه و مادیه به مستند منازعه لری - که بعضاً نصارا امراسیله اتفاقه قدر واریوردی ! - بوتون بو کوزل تشبثلری عقیم براقشدی . نورالدین ابن الشہید یوکسك شخصیت اخلاقیه سیله ، بو مناسبتیز- لک لک هپسنک اوکنی آلابیلدی . بو حکمدار متقی ، جدآ «مهرارفی سبیل الله» یاییوردی . عالم اسلامک هر طرفه ، امت اسلامیہ نك هر طبقه سنه نورالدین غازی نك صیت غزاسی یاییلدی . ممالک اسلامیہ نك استقلال و تمامیتی ایستین مسلمانلر ، اونک اخلاق و موقیتی حکایه ایدر لر ، مکتوبلرله ییلدیر لر ، رساله لرله طایغیدر لرلردی . بوتورک اسلام مجاهدینک مناقب ظفری ، ممالک اسلامیہ ده آغزندن آغزه انتشار ایدرکن ، برخیلی تزینات خیالیه ایله ده قاریشاراق ، صدر اسلام وقایعنی یاده کتیرن هیجانلی بر دستان حانی آلیوردی . مسلمانلرک نورالدین

غازى به محبتلى او قدر آرتمشدى كه هر طرفدن آقین آقین غازیلر کلیور ،
حکمداران اسلام اونك طلب معاونتته جواب رد ویرمك جراتكارلغنده
اصلا بولنامیوردی. دمشق شام کندیلکندن سلطان نورالدینه بیعت ایتمشدی.
الحاصل اهل صلیک ممالک اسلامییه تعرضه قارشى اهل اسلامك صاف
وعلوی بر هیجان دینی ایله همراهه کیرمه سی، آق سونغورك حقیقی زمّنندن
باشلار، و نورالدین الشهد عصر لرجه سورن بویوک مهراک ایلک واک تمیز
بر قهرمانیدر.

سلطان نورالدین اهل صلیله حرب ایتمکدن زیاده ، اهل اسلامك آرزو
و آمالک توحیدی، مسلمان امر او حکمداران آرمه سنده حسن مناسباتک تأسی،
ودول اسلامیه نك مقاصد سیاسیهرینک بر نقطه یه توجیهی ایله اهل صلیک
طردینه موفقیت حاصل اوله جفته قالدی. جهاد هیجان دینسی اهل اسلامك
آمانی برلشدردیکی کبی، مسلمان حکمدار لرله دوام ایتدیردیکی مناسبات سیاسییه
جوار حکومتلرک جمله سنی اتفاق ایتدیرمش کبی ایدی. مع مافیه سلطان نورالدین
اقتضا ایتدکجه اهل صلیب ایله محاربه ده ایدردی. بو تورك امیرینک، ساحه مدینت
و سیاستده اظهار ایتدیکی علویت و مهارتی، حرب میدانلرنده عرقه خاص بر استعداد
فطری ایله اظهار و اثبات ایتمه سی بک طیبی ایدی. غرب شوالیه لری، نورالدینک شخصی
جسارتندن ییلازلردی. مولاهر دیورکه : « بواوزون بوبلو، قوری، همان همان
صقالسر آدم او قدر جسور ایدی که محاربه اولورکن معیتی اونى تهلکلی طرفلره
قوشمقدن منعه جالیشیرلر و اصلا موفق اولامازلردی . »

صلییلرله معامله رسمیه و خصوصیه سنده سلطان نورالدینک عدالتدن ،
انسانیتدن، انصاف و مرحمتدن اصلا ایریلامش اولدینغی فرنک مورخلری اعتراف
و نقل ایدرلر .

سلطان نورالدین ، خلافت فاطمییه نك ممالکینه الحاقیله ، اهل صلیک
جنوبدن قوشاتیلمه سی ایچون امر اسندن شیرکوهی مأمور ایتمشدی. شیرکوه
وفاتنده اونك برینه یکنی صمدوح الدببه يوسف ابوبی بی نصب ایدن ینه سلطان
نورالدین در . صلاح الدین يوسف تاریخ اسلامده ابتدا آق سونغوریه دولتنک

والی وقوماندانی صفیله کورینیر و سلطان نورالدین اولدکدن (۱۱ شوال ۵۶۹ = ۱۵۰۷)
 (۱۱۷۴) صوکره ، اونک یرینه قاتم اولور . سلطان صلاح الدین ایوبی ، سلطان
 نورالدین زنگی نك نشر ایتدیکی فکر ، احضار ایتدیکی قوت ایله ، ارانه ایتدیکی
 غایه یه ، قدس شریفک استرادیته ، مسجد الاقصا نك تخلیصنه واصل اولاجقدر .
 صلاح الدینک پلانلرینی ، سلاخلرینی ، حتی کنديسی آق سونفورک حقیقی
 حاضر لامشدی . نورالدین الشهد ، غایه علویسنه وصولدن اوقدر امین ایدی که
 مسجد الاقصایه کوتوروب وضع ایده جکی منبری ، آلتنجی عصر هجری اسلام
 تحت ایشینک انفس آثاری اولان بو بدیعینی ، حلبی صنعتکارلره اعمال
 ایتدیرمش بولئوردی . خانی صلاح الدین ، قدسی فتح ایتدکدن صکره ، ولی
 و سلفنک آرزوسنی بر حرمت دیندارانه ایله ایفا ایدهرک منبری بو کونکی موضعه
 قویدیر مشدر .

بوتون بو ایضاحاتدن آ کلاشیلور که ایوبی نك عظیم موفقیتده واوندن
 متولد شهرتنده طالع و تصادفک بر حصه سی وارددر . بز بو بویوک اسلام قهرمانی
 تاریخک قویدینی بو کسک پیه دستالدن ایندیرمک آرزوسنده اصلا دکلر ؛ آنجق
 دیگر بر بویوک اسلام قهرماننده اونک یاننده بر یر یایمق املنده بز : بعض
 مورخاریمز ، یاخود مورخ کچینن ادیبلریمز صلاح الدین دن بحث ایدرکن آق
 سونفورک حقیقی اونو تمهیه فضله مبالدرلر ؛ بز ایشه بو تاریخی - قسزلانی
 المزدن کلدیکی قدر تعمیره چالیشمق ایستدک .

بویوک آطه ، ۱۵ مایس ۱۳۳۱

آق میرزه ارغلی بوسف